

## Počeo postupak izlaganja na javni uvid podataka o nekretninama u RS

Ministarstvo za ljudska prava i izbjeglice Bosne i Hercegovine zaprimilo je Informaciju Republičke uprave za geodetske i imovinsko-pravne poslove Republike Srpske (RUGIP) da je u tom entitetu počeo postupak izlaganja na javni uvid podataka o nekretninama i utvrđivanju prava na nekretninama, u svrhu osnivanja katastra nekretnina kao jedinstvene evidencije o nekretninama.

Svrha ovog postupka je usklađivanje podataka u zemljišnim knjigama sa stvarnim stanjem na terenu, te je u tom smislu potrebno informirati što više bh građana da aktivno učestvuju u ovim aktivnostima u općinama u kojim posjeduju nekretnine.

Oglasi o javnom izlaganju za pojedinačnu katastarsku općinu objavljuju se 30 dana prije izlaganja na stranici: <http://rgurs.org/lat/oglas-i-o-pojedinacnom-izlaganju>

RUGIP vrši i pojedinačna izlaganja na zahtjev stranaka za pojedinačnu katastarsku česticu (u tom slučaju stranka snosi troškove postupka).

U slučaju da određeni vlasnik nekretnine nije dostupan, postavlja se privremeni zastupnik te se na taj način okončava postupak.

Nakon završenog javnog izlaganja nije moguće podnositi pojedinačne zahtjeve – vlasnička prava moguće potraživati putem suda.

RUGIP je ovu informaciju dostavio Ministarstvu za ljudska prava i izbjeglice BiH kako bi je učinili dostupnom većem broju izbjeglica u BiH i inostranstvu, obzirom da su uočili da građani propuštaju priliku da prisustvuju javnim izlaganjima.